



Cumprita nouv veicul Gestions Tecnicas

Causa ch'ün veicul da las Gestions Tecnicas es in ün fich nosch stadi ha la suprastanza cumünala deliberà ün credit extraordinari in l'import da 25'000 chf per rimplazzar tal. Il rimplazzamaint dal veicul füss stat planisà pür pel 2022.

Convegna proget Viafier Retica

La convegno tanter la Viafier Retica ed il Cumün da Zernez in connex cul proget da refacziun da la lingia da tren Zernez – Ciuos-chel es gnüda approvada e rinviada a la VR.

Sanaziun Zernez Via Sura - Via Suot

In marz ha la suprastanza cumünala pudü acconsentir la dumonda d'attach dal s-chodamaint central da chalur a la famiglia Schnieper in Via Sura 71, Zernez. In quist lö faja sen da prochatschar il proget da refacziun Via Sura – Via Suot, chi füss statt integrà i'l proget Via Maistra e chi cuntegna ils provedimaints d'aua, d'aua suos-cha, da provedimaint da chalur e da l'EW Zernez cun forz'electric, fibr'optica ed igluminaziun publica. La suprastanza cumünala ha approvà la dumonda da princip e surdat las lavurs da progettaziun e direcziun da fabrica al büro Caprez Ingenieure SA, Zernez. Ils cuosts complessivs pels divers attachs gnaran preschantats a la radunanza cumünala dals 22 gün 2020.

Uorden da pumpiers - definiziun concubinat

Il gremi competent ha defini co cha in avegnir dess gnir reglà la deliberaziun dal servezzan da pumpiers per personas chi vivan in concubinat. I'l sistem da la controlla d'abitants vain verificà scha personas vivan in concubinat o na. Scha quai es il cas, ha üna persuna la pussibilità da's laschar deliberar per quel on. La dumonda da deliberaziun ha da gnir fatta minch'on da nouv.

Büro electoral per las votaziuns chantunalas e federalas dals 13 gün 2021

La suprastanza cumünala ha elet il büro electoral per las votaziuns dals 13 gün 2021. Al büro electoral fan part: Emil Müller sco president, Stefan Bühler, Riet Denoth, Simon Rohner, Adriana Müller, Sina Schorta e Fabian Schorta sco actuar.